

上湖紀歲詩編

舊序

韓門自少能詩願自余輩落落數人外未有見者其文章知者最早同輩亦獨韓門爲早達鄉里推服其文而稱詩不及焉余竊聞其初習國書嘗賦龍書五十韻請正臨川李穆堂先生先生歎異攜其詩入八旗志書館館中見者多不知其辭所自出先生曰我尙有不知者何況君輩同里鄭侍講筠谷先生其父行也丙辰見韓門詩贈以古風末云頽齡覩奇特自嗤還自賀常熟王次山侍御於詩多否少可獨傾倒韓門更和鄭先生韻題其集有兼包竹垞能肯拾漁洋唾之句嘉興馬墨麟副使錄其鳳尾硯太平鼓二歌入舊雨集是時韓門年三十歲耳嗣是再丁艱一奉使鐫級下遷再入館閣旋落職起驟頻仍韓門則讀書愈多學愈進而前數先生者皆已沒韓門一意窮經不務

詞章之業行已日益謹畏踴踴涼涼蓋卽在都下亦知者希矣
乙亥冬還里里中詩老若朱郡伯鹿田周徵君穆門厲孝廉樊
榭金副使江聲諸先生相繼徂謝惟杭太史董浦爲魯靈光董
浦每日詩之道熟易而澁難韓門詩有澁味所以可傳聞者驚
怪其語爭往索觀韓門輒遜謝不輕出也戊寅春北方有請爲
書院堂長者將行以所編集示余曰吾垂髫時所交遊三十年
來或已故或宦四方獨君在耳君老病吾亦早衰後會未可知
也曷爲序之使時一當良覲乎乃其存詩自癸丑年始則少時
與余輩數晨夕者其詩已不復存夫韓門豈不知余之不能詩
也而何能知其詩之工夫亦以余敦交久能知其人爲詩人爾
矣爲舉夫諸賢之所以欣賞之者而亦無待余言矣乾隆二十
三年春正月城東桂元復

自序

詩貴三有而才與學不與焉匪謂詩不必有才學也負絕世之才窮畢生之學而無是三者則無以存詩道三者何有感焉則性情之發是矣有義焉則風雅之體是矣有我焉則榮悴之境是矣是古之人所嘗言非一已私言也且夫習俗所尚曰輕曰脆曰新曰巧而余之意則在不輕而重不脆而堅不新而舊不巧而渾蓋時時矯其失而猶病未能少時曾兩刊近作急毀其版今老矣窮經日不暇給何有於詞章願卷帙已繁不忍盡棄爰取癸丑以後所作刪其游覽講會勉強酬和之篇與夫屢加改竄而訖不稱意者存三百餘篇五百餘首雖於詩之道初未能有其所有無其所無也徒以平生所歷畧見於此暇取長吟以自省愆而懲過至如時人之譽身後之名概所不計焉耳

乾隆三十一年歲在柔兆閏茂月在塞涂辛亥望錢塘汪師韓
自序

上湖紀歲詩編目錄

第一卷

雍正癸丑 二十七歲

龍書五十韻示同館諸君

甲寅 二十八歲

太平鼓歌 并序

乙卯 二十九歲

覺生寺

得嚴吉士十區先生靈櫬至里消息 六首

朱西駿鳳尾硯歌 并序

古風 二首

送座主給諫王公還貴陽 二首

遊城東喇嘛寺 二首

乾隆丙辰 三十歲

史局 二首

瀚海石

憶脩之研書兩弟從家叔敦煌 三首

送陳孟仁檢討出守南陽 三首

東園對月懷類澗主人茶陵公 二首

丁巳 三十一歲

喜聞苗疆大捷 三首

題馬文毅公粟草辨疑 井序

青縣晚泊

德州守風

臨清

放牖行

分水龍王廟歌

對雨

川行雜詩 三首

黃河遇風

戊午 三十二歲

寄題方樂只明府鳳山賞番園

桐城主簿舊堂

方氏瀟灑園觀密之先生名山臥遊圖畫冊

胡襲參司業示以所著同文聲形故

己未 三十三歲

代書詩寄宋丹林中允

縱陽下鎮

縱陽三詠

射蛟臺陰處

陶公惜逢觀亭

同李又蓮尋望龍庵古松

家書

牛

庚申 三十四歲

哭二叔父歸櫬 四首

癸亥 三十七歲

孤嶼

同人分詠浙江方物得二十四首

題畫

題舍弟脩之所藏唐明皇紀泰山銘摩崖碑

登候潮門城樓

虎圖

錢武肅王立像敬身辨是唐昭宗詔王圖形凌烟閣時

所畫

唐柳少師覲歌

題崔青蚓三畫扇

桃源圖 佛諸天
圖 搔首問天圖

滕舟釣臺謁嚴先生祠

嘉興城北吉祥菴觀古松

泛舟新城鎮晚宿村居

雨泊

冷泉亭同鄭侍講筠谷先生

舟晚

溪行

吳閭二首

虎邱二首

渡江

董子宅

福緣寺永公影堂

甲子三十八歲

揚州贈別

攻石兄示所書碑版墨本數種

三言題漂母祠

抱病京邸四首

爲陳力夫題疑夢圖

恭和

御製幸翰林院筵宴分韻聯句畢復得七律四章元韻

次日偕翰林諸臣進詩四首

恭和

御製翰林院宴畢幸貢院得詩四章元韻

清秘堂雪後

第二卷

乙丑 三十九歲

三月至武昌

過洞庭

長沙懷古 八首

衡山明府以岫樓山銘拓本見贈賦二十韻

聞雲南學使張存中沒於貴陽二首

耒陽杜工部祠

徭洞行

厥民謠

舟望

丙寅四十歲

沅江觀鷗鵒捕魚

將至澧州

雉

下澧水

社日武陵

鬼車行題常德試院壁

常德至長沙塗次雜詠

六首

送李貞甫梁構亭還里

二首

題畫

翁晉公明府過訪

蟲烟十二韻

愁霖篇

寓屋

四首

答陸遐脩辰州寄懷之作

菊花

二首

嶽麓書院贈黃晉齋編脩

四十初度

四首

長沙俶裝答所知

丁卯 四十一歲

君子有所思行

野田黃雀行

驚馬行

將進酒

烏歌

長歌行

怨歌行

相逢行

并序

江南弄採蓮曲

三首

結驪子

上畱行

并序

巫山高

并序

筌篲引

古意次韻

二首

讀詩雜述

四首

得姨兄盧賓王書

張雪子編脩典試四川歸塗沒於獲鹿

二首

歲暮雜詠

八首

戊辰

四十二歲

爲曲江姪題種菘圖

題趙忠愍公補謚錄

并序

秋雨

上湖紀歲詩編

目錄

六

目錄

送傅嘉言歸建水 三首

喜晤金質夫卽送之保定

盆中桂花

聞從弟脩之沒於廣州驚痛之餘泚筆書此紙盡而止

己巳 四十三歲

平金川 四首

寄懷舒軼青主簿金壇 二首

題畫長江障子歌

過故公園林

秋夕

對月有懷

聞翁道州訃 并序

俳諧六言 二首

所見

獨遊園林

十月二十九日

召直

上書房復任館職恭紀 二首

蒙 賜貂裘

蒙 賜筆墨箋紙等物 五首

二十四日 乾清宮召賜

御書福字

蒙 賜牲 五首

蒙 賜大小荷包 二十韻

蒙 賜貂皮挂包手巾 三首

上湖紀歲詩編

目錄

七

庚午 四十四歲

元日 太和殿 賜宴 二首

南海子請 皇長子安

三月初二日 南苑接

駕至自五臺

送齊次風宗伯還天台 二首

午日 賜葛紗蕉扇香珠藥物

萬壽無疆詩 謹序

是日 賜

御製詩初集四函并正月十六日錫宴聯句石刻一卷

蒙 賜內緞

奉派 扈從中岳

南海子舊衙門侍 皇子講讀

德壽寺大鼎

策馬行

十一月二日良鄉接

駕至自嵩岳

蒙 賜哈密瓜

聞方樂只參議自臺灣入覲歿於南日海洋述哀兼寄

甥輩

哭從弟研書歿於西江舟次 二首

第三卷

辛未 四十五歲

充補講官

上湖紀歲詩編

目錄

八
嚴睦汪氏遺書

五月四日

南巡回

鑾進詩

八首

賦得荷珠應制

恭和

御製題畫蘇臺春景應制

詠豇豆十六韻得豇字

舍弟敦素來宿郊西直廬

三首

寓園荷

石丈行

月餅十六韻限三江

蜜漬荔枝次韻

二首

題十八學士圖

八月二十一日昌平石槽接

駕至自木蘭

示日者二首

爲柳德洋題耕牧圖

壬申四十六歲

南歸不果重客春和園

庭窪

盆松

李貞甫病沒令兄受之致到手書猶是未病時所寄

贈別夏陸周田四同年二首

喬柯小草行

書齋卽事三首

病吟 二首

欲雪

送錢蒼益舍人還里兼懷吳子廉舍人江季褒孝廉

癸酉 四十七歲

翻車

出郭往春和園

雜言

對月

題畫蘭

題畫

三言送人還杭

陳尚書雲倬先生寓齋讌集

送王雨蒼明府之桐城任

二首

郭鳳池侍講哀辭

二首

讀史記雜詠

十首

甲戌

四十八歲

豐潤古鼎歌

并序

重觀北園圖

并序

瓶菊

東妹夫龔梧生

送金瞻原吏部假歸三十韻

乙亥

四十九歲

連陰

爲毛以翔題伏生授經圖

送吳光祿覬揚先生致仕還里

平準夷 四首 并序

出都省三弟走馬相送

潞河雨泊

立冬日舟中作

曉霧

問津書院晤金質夫示以五十初度詩因題 二首

交河東光一帶

小泊

買魚

聞笛

岸柳

晚抵臨清得盧司臬札

東昌

過壽張城見山

南旺

夏鎮

見雁

清江浦

平河橋靜一庵

渡江

訪舊常州城內晚泊城隅

虎丘

晚至北新關泊關外

僑居方氏靜觀齋二詠

石筍 萬厯磚

秋扇

丙子 五十歲

友人招往城南看桃花復招遊湖並以事阻

續平準夷詩 四首

新市舟行

過續溪新嶺

叢睦坊舊宅

許村輓許養中通守

觀潮同桂方來

遊陶莊

落葉 二首

五十初度 二首

丁丑 五十一歲

浮山玉兔寺詩碣 并序

方其彙明府甥歿於浮山聞信述哀四十韻

暑退 二首

贈桂方來五十韻

薄雪

陳確菴先生遺事書後 二首

第四卷

戊寅 五十二歲

北遊舟次寄答友人贈行之作 二首

舟夜

柳邊

東阿項王墓

至京師下榻舊居二首

柳絮

保定蓮花池懷古

初至廣平清暉書院四首

題夏承碑拓本

廣平三君詠
永年申崑盟 永年張履興 雞澤殷伯

毛遂墓

李學士墓并序

清河蝗

梁構亭自香河調任樂城

二首

題黃梁祠

二首

題畫

胡麟趾過訪

四思詩

四首

并序

己卯五十三歲

寄懷何大韻孝廉試用廣西

幹子城

并序

郭公柳

并序

題堂壁石刻黃澍詩

并序

廣羊山

并序

水

屋壞

雨不止

聞盧司臬賓王兄沒哭之二首

懷舍弟客趙州

寄懷桂方來

西師凱旋同部內屬恭紀四首

庚辰五十四歲

次韻酬李尉并序

五月朔先妣忌日

寄王用晦

寄用晦詩未達遽聞凶訃復次前韻述哀

順德太守金質夫過訪

雨後榴開

觀荷二首

題漪樓記石刻

并序

辛巳五十五歲

陰雨三章

一春雪

後鬼車行

得家書

和金質夫隆興寺登佛香閣韻

寄舍弟阻水元城

二首

壬午五十六歲

四月營宅兆於錢塘湖九曜山南事畢復將北行

舊書簾中檢得輯評蘇詩殘稿

重至蓮亭

夜坐

呂君贈銅雀瓦硯歌

并序

疊甲戌年詩韻寄龔梧生

行次正定遇鄂罕回部來朝

并序

甲申五十入歲

將暫還廣年寄蓮亭諸生

蘭陵王入陣圖歌

并序

新玉煖手歌

初秋蓮池小集遇雨

保定旅懷

十二首

并序

書舊詩箋後

升序

友人先後惠蟹

四首

題曝書亭集後

冬至

乙酉

五十九歲

移居蓮花書院觀荷感舊

四首

詠春午坡菊

遙輓林澹山

同人詠梅禁體

雨後

園程

丙戌

六十歲

燈夕二首

聞重得雪浪石於臨城輦致定州眾春園

丁敬身沒踰年始知之作哀詞

三月一日謁方太保歸感

恩述事恭紀四首

和制府方公塗中記所見二首

耕者用牛馬驢同曳一犁推車檣布爲帆

題故友黃松石負骸圖

哭相兒十三首

湖墅忠天廟畫壁歌

六十初度二首

上湖紀歲詩編目錄

上湖紀歲詩編卷一

韓門先生諱師韓號抒懷又號上湖穀亭先生長子雍正壬子
科舉人癸丑進士翰林院編修督學湖南乾隆初元掌院學士
以先生奏直起居注記注之有協修自此始張尙書照疏薦校
勘經史傳相國恒薦直上書房旋以事左遷主保定蓮池書
院講席少時以詞章名四方習清書時賦龍書五十韻臨川李
穆堂先生携入八旗志書館見者多不解李先生曰我尙有不
知者何況君輩鄭筠谷其父執也嘗贈詩云積齡觀奇特自嘔
還自賀常孰王次山不輕許可獨傾倒之故其題集有兼包竹
垞能肯拾魚洋煙之句作文簡古有法度爲望溪先生入室弟
子中年以後一意窮經尤遠於易所著有觀象居易傳箋春秋
三傳註解補正等書今存一十三種逸六種待刊自言命纏畢

月以水爲命而木在箕度推命者多引韓蘇爲說又言歐陽公耳白於面名聞天下唇不貼齒無事得謗明道雜錄又謂其鬚不掩齒今有人焉耳則白矣又無唇不貼須不掩之患而乃謗晉多出意外云云此則先生自寄其身世之慨矣府志入文苑傳授文林郎娶陳氏誥贈孺人邁室許氏無嗣繼師孟子星景合葬九曜山丁婆嶺

上湖紀歲詩編卷第一

錢塘 汪師韓

雍正癸丑 二十七歲

龍書五十韻示同館諸君

龍書稽木皇鳥跡溯倉帝披圖穗薤垂
臆穹瓊珞繫孳乳生篆文捷約超楷隸
歷漢百三章盡削重複字流傳變若雲
俗書趨姿媚樊然別形聲猶未求所自
吾聞造字初史皇特少穉體殊左右行
梵長佉樓一作盧次驢唇連葉奇畫革扶桑異代有大鴻

臚耳根證真諦軍容錄本言國語傳後
魏號令雜物名大小遼金例遼近奚室
韋神冊初定制鐸衰及信圖贊成功罔
替銘勳兼突厥是偶礪最顯金行葉魯
業御撰出次第婁室紹谷神後先推國
器旁徵夏爾雅書具八分致有元班彌
怛新字奉敕製

四十一母音語韻關備彷彿婆羅門二七貫一切同時畏兀兒橫行似勃泥三朝史紛綸附解無三四洎明火翰林猶命譯書契

盛朝文命敷紉縵光華被垂訓肇

龍興

天命間製清書

承基續奕世自兩文成來

榜式大海額爾德宜俱設文成

詞臣所

專肄經大義微言史編年紀事各各窮幹枝往往破疑貳綜博

定清文瞭焉寶鑑對

清文鑑凡二十一卷分三十六部二百八十類

綱領三十餘毛目

二百類蟻磨運左旋龍寶呼十二弩磔防形模點圖循位置

清書

乃脩飾蒙古字而成惟加點與圈與變用捺法見雍正間御纂

庭訓格言四聲該仄平萬物括開

閉約之宗諧聲衍之蘊六義小臣目耕人計偕擊敝筭讀莊強

舌神效陸苦思瘁偏旁元包經依附虞衡志平生奇字多陋矣

一小技粵從步環洲墳典鏡中秘豈殊高麗童學語已經歲爭

如字學生五百應廷試當其發憤爲有時惑陰陽開口忽齟齬
把卷常愕胎雖漸識之無亦太性橘味還瞻同輩流幾月通精
意惟業進於勤不肖仰而企明昌宏文院延祐貢物使何若履
帝廷載筆言動記上追義軒風民察先官治

此詩隸事叢雜意不欲存而平生稱詩自臨川李穆堂先
生見此篇始故已刪而復存之誌知己也

自識

甲寅 二十八歲

太平鼓歌

并序

通雅稱吳曾曰崇寧大觀以來內外街市鼓笛拍版名曰打斷
至政和初禁之民間改名太平鼓又曰通同部鼓江古心宣政
雜錄曰臻蓬蓬鼓

上蓬去聲

此太平鼓之名所由起也但宋時兼用

笛拍而鼓無異製非若今以紙爲之者有柄有環也惟南卓羯

鼓錄所謂蘇用山桑椿用銅鐵杖用黃檀花楸者庶幾近似然
羯鼓兩頭皆用杖亦不似今鼓惟一面杖擊手拍皆可也賦此
題者或卽以是二者當之俱未有當故篇內但寫其聲容而不
援唐宋爲解紀其實也

疾霆轉雷櫟冒土都城嬉春俗誇詡堂堂騰騰何者聲太平有
聲聲在鼓我初聞之上斜街烟染柳林晴不雨放浪一笑出試
閒往往攜遊逐文侶摻摻忽覩徒鼓兒迴動得意裸裎持傍夜
向曉雜諠叫乾快輕瓏隨手妙一聲聲亂車轟較遇巷逼仄推
轂停大都僂子小家女遊嬉蓬塊恒業輕周官箠章掌土鼓以
革冒瓦寒暑迎所由知臣思將帥廟堂古紀懸鼙名太平鼓礪
衝中臯陶製異攻皮工烏金鼓匡拗上聲白捶鼓礪蒙云何長上聲
羣音恃茲紙一重團扇裂素月捉空圓捲迸急敲蓬籠四三銀

繫搖鐔縱乃左右手無春容今盛泊成南面恭象天作樂咸招
同太平自在錢鋪農詎須此鼓摹繪擊壤風

乙卯二十九歲

覺生寺

春望西郊外崢嶸雪霽初浞風遞去鳥水地疾行車傑閣金鐘

徙萬壽寺有明永樂間大鐘今移於此香山玉印儲新紅墻易見一帶柳條疎

得嚴吉士十區先生靈櫬至里消息

自祖靈輶去國都五旬漕路達河渠還裝尙挈淋漓筆工書合買

惟存局縮車徒旅息肩風日暮鶯花轉眼雪霜餘天涯傳到喪

歸信舊履苔痕綠未除合錢買驢事見東觀漢紀

共汲同炊迭買鄰再遷皆同寓雙扉對敞軸湘筠違時獨與矜煒節

畏晝交相惜旅身席徹便成千古事殯歸何異五湖人流傳南

浦傷心賦

先生著作惟春草碧色賦爲時所稱

一頌國知了伯倫

易林旅身多罷畏晝喜夜

善病工愁過一生致身空擬上蓬瀛書收寓館擔痛僕緘寄官

郵計老兄

令兄季傳先生作令江西

此日歌題黃鵠寡前年圖寫紫葳榮沒

而猶眠情何極豈况無兒昇槐行

交讓林間酌醴來

余家與先生比鄰僅隔一牆

十年遊宴忝趨陪

向曾同馬客淮上馬

蹄望嶽衝雲出鴨觜臨淮犯雪開嵇呂舊廬聞笛感殷劉同乘

見舩哀衡闌若使長堅臥貧婁何妨老茂才

韋編天上召蒙莊

嚴本莊姓先生自稱莊生

尺素人間問北邙

孫虛船先生有書至哀

樂中年餘感哽唱酬前事各昂藏時情靡靡觀朝槿世路悠悠

對夕陽酌酒寢門同擊涕忤人抵几是文章

陶宏景靈寶真經位業圖有韋編耶

周莊

迢遙莫饋設鄉關何處高坵抱曲灣卽事令人輕厚祿浮生幾

日放歡顏翠屏古寺題名在黃葉秋庭哭壤還剩有亭亭映江
月往來長伴白雲閒

朱西峻鳳尾硯歌 并序

昔竹垞朱先生遊嶺南購水巖石百餘集載硯銘多至四十五
首有鳳尾硯付昆田者銘曰眾鳥有託爾安所棲鳳兮鳳兮硯
今爲了處士敬身所得池旁有西峻小方印而銘則未鐫夏五
糧艘至緘書附贈作歌報之

小長蘆叟硯材百中有鳳尾貽笛漁銘詞櫛落四十五鳳兮品
與凡禽殊世事彈指卅卅年蟾蜍淚滴几上山八萬卷書亦散
落片壁光恠投湖堦都門感慨幾回別又登萬斛東吳船想當
七試挾秋卷挽強文陣新糊案冬烘眊毵發喟頻埃風結束悽
惶伴南浮嶺海東走齊竹輶箪舩懷古遍聯坳巨璞壓野裝諸

侯賓客開清宴摩篇翫賦我亦然思筆不隨顏屢變昔者洪州

謁璟公

借山上人元璟

廬山一章稱最工

前漁小稿有送上人游廬山詩余遇上人於南昌時又將

之廬

景曜流輝硯盈尺鑑定云自醞舫翁

文待詔景曜流輝硯後歸董文敏令爲借

山所

我時未識巖上中亦不能辨坑西東鶚之鶴之縱悉數如

談雅頌忘南風文董流韻誰繼者茲遇屈指三春冬驚聞舊硯

江鄉寄有文刻作西陵字筆趣掩映青雲翅玉磨無聲日再試

逋客錢塘丁翰之婆娑術藝作者師相將一片玉質硯何似半

卷青蘿衣

唐丁翰之居龍泓洞笠澤叢書丁隱君歌云華陽道士南游歸手中半卷青蘿衣自言逋客持贈我乃是

錢塘丁翰之自余爲此詩敬身遂自號龍泓館主

古風

飛飛南山鳥落落同林窠翩翩接儔倫故林居有那選樹始何時
蹶起辭澗阿朝嘲而夜唳人寰紛謗訶我聞游就士出處相

鳴和鳥猶求友聲斯義夫如何

附會善源彪義疏研鄭灼經營實殊繁華怪寂寞以巾祿人
眼誰能辨凡畧何以取愛憐所至如喜鵲

送座主給諫王公還貴陽

公諱璜字爾爵貴筑人康熙
戊戌進士由翰林仕至刑科

掌印坐
事鑄級

一葉秋原去國情十年散下避聰行北宮久預參裁事東掖咸
知暇奏名獨雀絕羣先路翦寒鷄催客早晨鳴黑雲杳杳生蠻
箐鞞鼓西南未解兵

紙箱吹剝過桑乾心逐春風入杏壇遇合我圖難蜀道卷舒公
自易長安晴雷紫陌雙車輻烟雨滄洲一釣竿未免官評歸亦
好晨昏採擷盛咳蘭

遊城東喇嘛寺

上湖紀歲詩編

卷一

五

香門日午駐塵鞍梵宇危幢縱目看西甬不須元裝解免教齋
粥學禪鑽

黃教東來荷寵勛布金天邑闢重雲南榮客散西山雨柳外僧
歸馬一羣

乾隆丙辰 三十歲

史局

時協脩記注又
分脩國史

古稱天子史周官設官五內史書而藏所司紀君舉唐典隸兩
省明制職專主其後詞臣兼

聖代所酌取官增品無定排日集西序

起居注在
午門內西

每以後編前

歲終彙成部

記注編上一年
事年終告成

新進例豈諳季分成四輔

協脩人
各一季

綜覈爲跋言

歲有
總跋

鄭重史成貯臣才不經史清選謬文府毋謂

佐郎微國錄尊自古

起居注
月禮科吳國龍

疏請復設日講官止八人

康熙二十年四月增入人共十六人皆漢人今制滿漢分列其正官外又增協脩四人則是乾隆元年始臣師韓預焉國史明失得義貴質不但竄竄一代詳大筆皇太史秘書領著作慎選有所以煒煌

五朝業撰述舉

帝紀

時方編纂本紀

時憲循天行獨擅渚風技

時憲天文五行皆

梅文鼎撰已有稿百六

十勲臣告身但名氏職績猶未詳細行定遺美蒐羅先國初務

博爲約始事闕曷脩文新書豈徒耳

有前輩盛稱新

唐書欲效其體敬告典局

臣茲事敢輕擬

國史

行三志

皆李淳風獨作

隋書天文律歷五

瀚海石

瀚宋史外國傳作旱至錢惟演傳又

作幹按瀚音胡管切當是瀚字之訛

亦作戈壁

實惟古澤國蓬籠捲烟沙千里成枯瀉

風土記郭畢

亦作戈壁

實惟古澤國蓬籠捲烟沙千里成枯瀉

外骨餘麤羸上稿或查克

樹名

風烈草不生幻作拳拳石蘊光日

月星錯采蒼赤白獨乘萬丈風吹落書生席鎮紙此一丸瑩絕

外骨餘麤羸上稿或查克

樹名

風烈草不生幻作拳拳石蘊光日

月星錯采蒼赤白獨乘萬丈風吹落書生席鎮紙此一丸瑩絕

外骨餘麤羸上稿或查克

樹名

風烈草不生幻作拳拳石蘊光日

月星錯采蒼赤白獨乘萬丈風吹落書生席鎮紙此一丸瑩絕

外骨餘麤羸上稿或查克

樹名

風烈草不生幻作拳拳石蘊光日

月星錯采蒼赤白獨乘萬丈風吹落書生席鎮紙此一丸瑩絕

外骨餘麤羸上稿或查克

黃中色得地義不移橫風海無力仰惟習坎亨勞卦位正北云
何水會歸瀕洞爲斥磧變本誤末流直下吁可惜礫硯海底姿
曾揮驃騎策北溟安有魚張華謬博識豈知祝栗墟初程厄魯
特天櫃不句山飛流大荒闢瑤砥互雲泥滄桑一今昔荒唐侈
裊瀛控揣狎只尺顯晦物有然撫石三太息

憶脩之研書兩弟從家叔敦煌

秋氣豈須悲秋士不無感君看雁南游征邁踰絕險嗽冒霜
翔行衍于渚漸如何我所思所思大荒西嗟人不及雁整翼當
風吹

淫淫遊子淚灑地爲沙塵沙塵無時無出門常滿身落葉辭樹
久敢嘆風霜頻托根一以誤長謝天心仁天還足膏澤嗟予季
行役

蠅營漸消沈蜎諧亦瑟縮清氣橫九秋由斯一陽復寒號何處
蟲羈棲困單獨豈不念拚飛奈此窮途哭夢到舊經窓苔錢自
生綠

送陳孟仁檢討出守南陽

詞臣銜 詔下螭頭刺史分符赴苑州館閣選材唐內相公卿

領郡漢諸侯盧橘官路三門曙召堰新田一水秋見說國風勤

稼穡褰帷早晚熟西疇漢書地理志南陽郡治宛縣舊唐書作

馬安固四縣並寄治苑城八年州廢以上馬入唐州餘三縣入

南陽縣屬鄧州按漢縣名宛唐州名苑蓋自武德入年以後卽

無此州名今輯地理者乃謂宋時猶稱

宛州非也通雅南陽郡之宛縣音驚

兩南陽考漢唐年此郡何多太守賢辨壤昔先興水利持籌近

屢益陂田爭誇羊續登公位難信王喬作吏仙君到載聞歌父

母并教行縣釋蒲鞭

丹梯玉檻接周墻瑣院頻年共主廊獨抱古心矜氣節每據高
議論文章研京才溢南都賦醫國神通仲景方工司馬漢廷時
謝病自今難去聲素孰斟量

東園對月懷類澗主人茶陵公

豆花雨後望纖阿駐屐荒階濕淺莎景物可憐前度似雲光開

曙月低河

用漢淋池歌句

曾共張樊席硯陪五楸零落幾人來來吾爲拂琉璃簾待月重
登爾雕臺

丁巳 三十一歲

喜聞苗疆大捷

元戎拜表奠南疆伏莽驅除武克剛式服洞丁擒犴狴盡裁山
職掃欃槍謨陳虞帝明天道震用高宗伐鬼方苦竹叢開氛祲

豁舊標銅柱卓扶桑

憶從諸將奮

先朝上省平蠻餞百寮薄伐服成周獫狁益封秩進漢嫫姚鼓
抱自許威無敵節鉞誰持縱有苗獨出單車行破虜祇今方畧
設張喬

西馬南來奏凱歌瘴鄉出宋競投戈釣藤酒吸釵遺碧斑布衣
纏跣踏坡金石勒功從事愈印符輸欸老夫陀災黎善後須長
策祖業無荒化協和

劉延世孫公談圃朱輔溪蠻叢笑皆有釣藤酒或作釣非

題馬文毅公彙草辨疑并序

公諱雄鎮遼陽人康熙初巡撫廣西會孫延齡叛公以無兵被
拘困歷四年延齡爲吳世琮所殺公亦遇難詳見邵子湘所作
家傳公幽憂時嘗集晉唐草書依字彙鉤摹成帙題曰彙草辨

疑妾顧氏爲標目正書顧後盡節同時死者百餘人書今藏公家

杜祁公書未有真呂申公書絕無草從心豈博能事名流落人間推墨寶遼陽馬公人中龍槩草辨疑蒙難中草書一字百字繁述而不作擇而從想公涉筆連斷時妖星畫出鬼夜窺濱死八九神護持不然公亦自千古瑰意匪事毛錐爲薄植畏事自賊弱危疑如狐立禡魄降表僉召僞劄齋筆公頭銳心應作英雄磊落肝膽露虎狼蹴踏騏驎怒鉞柄鈇柄權不歸手摧霹靂酬縑素環甲陰森賊將孫簪花慘惻姬人顧義激百口軀同捐碧血漬地青熒然干戈韜閣五十載蛛絲魚蠹丹心傳崔杜羅趙世輕擬侍書學士工祝耳大筆淋漓照青史

青縣晚泊

連舫靜海過收緯青州宿駛浪折沙灣緒風含水木人烟棹處
移海月櫓間落邱亭俯閒塘暮色翳遙陸聲響出攀督疎星帶
漁屋

德州守風

官河流潏潏河流紆更駛客棹行搖搖棹行疾還已逆浪赴憤
風還遇伊胡底櫓舳亦有隣維梢泊街尾村酤墨露香一瓢徑
醉矣四望晚森沈林烟忽孤起

臨清

曲涯秋寺塔孤撐影惑東西送客行冷雨乍飛帆欲濕冥濛烟
柳接臨清

放牐行

南橋蜿蜒亘雄虹北牐揭嶙閑奔龍顛波直走無雍容疇加進

過區宸隆斷木截水水扼隴不然衰止千派空時力拔版最響
通接什佰柁當其衝急絳蟻步影匝蛩帆腹迫脅篙足椿义負
偃植架屋同人各驚坐瞪雙瞳入如持梗勞磨礪出乃登等行
匆匆快意佛意一鼻中甯知霜露孤烟篷歸橈晚動蓬萊宮

分水龍王廟歌

大塗龍出水東上奇發不收浪劈兩龍公盪踏鱗鬣雄羣龍受
命河伯宮一龍蜺螭奮鱗北一龍南掉尾絕力龍之赫兮岐派
行龍公中流功告成我來南旺秋汛平龍穩宿宅雙咽聲遙遙
勃謁厯鉅野濫路源窮喜輟灑游洄交聽歌路難兩手難分二
牘寫麟音達蒼反麟之赫見後周衛元嵩元包唐李江注二龍
之怒也志奇云絳樹一聲能歌兩曲黃華雙手能寫二
牘志奇不知何書元伊世珍采入瑯嬛記

對雨

蘆岸威紆戍堞過開頭赤馬走盤渦淮黃流合揚瀾大寒暑秋
分向晦多雲色正濃山色淡風聲欲靜雨聲沱笠檐叢袂江湖
侶不共操維一浩歌

川行雜詩

河身何高哉浩落秋水至築堤高於河平疇斯下矣大帆劃樹
巔岸外烏鳶起烏鳶入雲飛日夕出雲歸結巢襲人間感此鳥
之微

遠山淡無皴高雲次如鱗秋雲如遠山變滅魚鱗文片影潑疾
流流浪漱鱗岫水勢不常惡雲態豈終薄人情水與雲俛仰心
勺灤養拙以耽躬眷焉懷勝託

順風來者怨趣途靡遠觀凡情惰滯淫賢者曷以然夏簟願恒
炎春爐想長寒韓白我所業特忘爐簟難神山四面風琪樹青

攢攢側聞東方丈仙者薄升天琉璃映羣龍隱躍大海瀾如何
檀芽峯撫琴歌怨蘭

黃河遇風

客持燕谷黍欲醺崑崙觴河曲大風起波瀾十丈強

戊午 三十二歲

寄題方樂只明府鳳山賞番圖

於廓靈海市一灣鐵沙遠隔澎湖山鹿荒魚熟土俗異台長缺
皆難且繁君今遴調府南縣鉞路始跨橫洋瀾木龍無聲疊纓
舞竹灣花嶼通荷蘭鯤身攘榜惡呵班海翁萬眾迎唐官自從
羅漢一門過鳳山三載馴南蠻是邑里六鄉十四木城築鞦韆
橋環同艤定戶忽驚告長官行慶親賞番沙碼碯頭出潭隈鴉
猴林子來烟巒瑯嶠遠近越險阻淡水上下連閩閩君坐高敞

披羅紕迎涼脫帽容儼然明臚小童立倚欄彷彿仙侶攜雙鬟
裸人之國道槃跚玉峯鳳集炎不寒或矜出草廩塵牽或誇接
簪麒麟餐或搖薩鼓奔如湍藤腰錦項大耳環或濡鵝毛教冊
攤倍文語孟呻更端中有厭新步便姍褊綬繫體銀牌頒舉酒
大酌椰瓢乾金鼓競發罽旗翻清琴洞簫口鼻嫋花圍四季錦
邊蘭嗣今豐稔輕螺錢漸臻禮讓除刀瘕挽手謝別馳周圍掣
掣洩洩歌有歡聞昔東都僭僞鄭草雞拍水毛髮攢煩船鳥船
烈具舉金印銀印爵在刊三世匆匆卅八載故事妄冀同朝鮮
喪歸南安閱雨紀伏莽盡剗旗結竿自古懷荒要文吏君能慈
惠苛條刪月眉池畔駐紅旆刺桐花底移朱轡治成考功奏第
一道在詎畏行路難歸見蕉黃荔子丹此圖粉墨珍明珥定知
番俗工烏卜卜君萬里鵬風搏

桐城主簿舊堂

城根樹參覃絢彩夕陽徧孰嫌枳棘棲簿領山水縣官缺屋就

傾簌簌野鼠竄堦圯翠薛鋪礎潤荒葛罥此邦二卿來漢朱仲卿唐張

卿字詩老繼薄宦梅聖俞爲桐城主簿艱勤勗佳偶壯業薄閒宴惜哉魚上

竿史才空滌硯猶羸歐陽宰聲名闕聞見欲去心翹歎投林山

鳥喚塢然清風行生衣領餘善梅宛陵集有初冬夜坐憶桐城山行詩云吾妻常有言艱勤壯

時業安慕終日開笑媚看婦壓歸田錄梅聖俞受收脩唐書

語妻刁氏曰吾之脩書可謂糊口入布袋矣刁氏曰君於仕宦

亦何異鮎魚上竹竿耶梅集有贈歐陽寺丞

宰桐城詩歐陽不知何名令邑丞失載無考

方氏瀟灑園觀密之先生名山卧遊圖畫冊

向恨未讀浮山集諱重嫌多錮塵笈今來敬觀名山圖翠滴嵐

飛紙猶濕天壽繼鍾山浮廬嗣青原五嶽視三公萬笏周八垠

輯錄遠過呂太史繪室漫擬宗少文筆大如椽細如縷十指突

兀生風雲我疑畫時瓶錫寄高座

金陵寺名

不然毛鷲屢脫那能臥

孝門前事枉求忠

事見錢飲光集

卷裏纒臣芒屨破鳴呼石骨松心世

豈知但賞刻畫纏精思一水一石訴眞宰大言小言繁縷辭

題詞

備有諸體

豈惟子孫永爲保我亦矜詡平生奇罷觀簾簞流寒曦珍

秘視集宜倍之縱無豪奪有力者巧偷慎莫逢纖兒

胡襲參司業示以所著同文聲形故

往公司業未抽簪九經手錄如張參惜公休告罷列燕坐使諸

生失胡瑗歸來支體病不仁住坐展轉常需人雖然嚙畔舌本

強昔者著書今等身禹貢三江紀南北爾雅九河題簡潔

有禹貢備

遺增注及治河或問

目謀指畫證遺經未有空談躬不閤鳥跡遠湖隸與

蝌奇觚結撰研音和了辨並契國語解耳根漫信毘佉囉幫滂

曉匣匪疊矩排攝反紐徒分科公力引之周道行四十二音圖

集成一千八百九十聲又三倍是窮聲形華夏同音法待制上

國書下載漢字據幽更擬補無字當年奏御閣秘書老去名山抱絕

藝載酒問字值茲晨呻吟強起重開筭竊比杜林蒼頡故五變

八體通其義世無同工勾與徐似我豈稱去聲儻魯魚猶能涉筆

歌龍書公母我鄙舉一隅元杜本撰華夏同音又名六書通編

見東園友聞按本於至正初嘗以翰林待制召固辭人稱清碧

先生宋史文苑傳句中正與徐鉉校定說文太宗問中正有

聲無字音幾何中正條爲一卷以獻

已未三十三歲

代書詩寄宋丹林中允

憶昨移病歸執別蘭臺聚謂當趣治行迢迢一寒暑路指同安
城輶傳涉肥帖定省縣冬春子禮懽宴語匪養舒緩名承親樂
衍字入夏父病痞煩懽結肺腑經秋母病瘡臚脹發腰股我亦

疾不衰呼醫日三五版輿母南行離目鵲尾渚未得軌塵隨躑
躑心慘楚陽旱歲不登跡斷齊烏僦用龍立泥人靈壇祝冬稌
穀價方暴騰無炊曷韓釜荒政卹乏餒計口入官簿嗟叩工面
謾臨存大辛苦鄉民昔謫撲蠹氣習盤古漏泉林倖邀惟瘼慎
摩撫天曷惠其圖趨庭負東魯君在赤墀塗持藁翔書圖番休
玉堂直斟酌國史補餘事作詩人長哦日卓午造請鄙張湯高
閣鎖常啟重念我江鄉簿最佐環堵階序曹經營懷役百罹舉
芳訊移故林歡喜準諮覩採懷比乾禾屏號勿藥愈游盤戒南
陔甘雷儀華黍引領答長誦相期謹居處

縱陽下鎮

水滙雙河一葦杭磨旗

山遙

嶺雲黃鎮分舊縣塵生市

上嶺乃舊

縣治亦名

稅急公家粟委倉

冬於此收漕糧

吳楚風檣連浙漕漢岷江

練入桐鄉小樓面容舒嘯墮落何年臥缺斯磨旗山下時得

江口在下鎮通雅謂合岷漢豫章三江也

樅陽三詠

射蛟臺

漢武皇帝南巡狩親射蛟江中獲之事載漢書本紀及荀氏漢紀後人因鑿履跡於石

伐蛟王者事親射獲之奇壯哉履帝武高歌韋左司漢武雜歌

此詠

陶公惜陰處

南宋圖宗嘉定十六年吳紹題陶公惜陰處五字於石壁并題詩云幽房翠竹

龍蒼蘚更有流泉澗石與莫道塵埃人易宛試來搖

足濯清風明宏治癸亥邑人楊子昇和韻並吳詩重

刻於壁正德間縣令沂人張崇德即其處建亭名惜

陰祀陶公嘉靖間烏鼠山人胡橫宗爲郡守有句云

碑刻不隨城市改是也志乘載惜陰亭

俱味其所自詩刻亦漸毀裂特詳記之

不見惜陰人緬想惜陰處紅鱗薦荒亭公母起投箸按晉書列女傳云侃

少爲尋陽縣吏嘗監魚梁以一蚶鮓遊母然侃傳侃領樅陽令鮓爲樅陽物產則尋陽恐是樅陽之訛至惜分陰乃爲荊州刺

史時語以公精勤其惜陰當不待尊顯也

達觀亭

志稱黃涪翁讀書從陽不知何據達觀亭亦不知創自何時按公以愛潛皖山谷寺之勝

因號山谷道人此地密邇或嘗棲止集中有題達觀臺絕句云戴郎臺上鏡面平達人大觀因我名何時燕爵賀新屋喚取竹枝歌月明亭應取義於此亭今廢山尚名達觀山

市朝塵四合攤書獨涪幡平沙落江篆誰和竹枝歌

同李又蓮尋望龍庵古松

又蓮名繼白山陰人先君延主刑名事先君見背又蓮旋

亦病歿年四十餘耳存此詩以志先友

身得松者檜葉得松者樅樅陽百貨地重估輕山容老幹將爲

薪三歎舫閣翁

陳昉字朗生樅陽人依達觀山躬鑿石舫厯十三年乃成建舫閣于度字官儀曾釀錢買畱城

隍廟後山古松十四株錢飲光田間集有畱松記今松已無存矣

斯人復云沒松亦不有躬環

村斷綠陰好山奈頭童謫仙渡江來索隱勞吟筇沿緣釣魚臺

射蛟臺下隄柳攀丰茸哀湍出鑿隧眇睨開橫從菴閭霽重雲隱現

孤遊龍泥蟠近千年偃蹇君子風勁吹吐凝寒響答蒲牢鐘位
置避塵閤成茲鱗鬣雄尙慎葆支離心親多寄公勝幢繞三匝
艾蒨鼻觀通菩提性無證輟海徒洶洶歸塗踏懸磴縱目江流
東落照長風沙

今鳥沙夾

遠樹浮殷紅

家書

江寒鄉訊稀昨夢訪庭闈彷彿倚閭望沈吟怨式微

牛

眼底髡屯甚洪縻就手牽共牢輸馬橫下括讓羊先努力食細
草低頭耕大田純離誰爲爾鬻角挂殘編

晉書張載確
論牛驥其牢

庚申 三十四歲

哭二叔父歸櫬

雁翼一時折重闕書隔秋寄詩吟在口

叔平生詩不多作丁巳
寄先君書附詩云悵悵

龍眼合賢聲到玉
犀與情欣即正臺省望風儀古成誠憶從頭
義鶴鵲重佳音烏鵲知陽關愁臥客慰極淚翻滋
昔先君送叔出塞時爲爾蘇文忠與君世世
爲兄弟又結來生未了因之句今竟成讖矣
望首丘得辭都護地幸亦近松楸

痼疾已連歲摯情由壯年風塵哀樂事翰墨吉凶緣一夢陪香

案餘生畢酒泉

安西古酒泉郡

素交將厚祿贈遺孰垂憐

藐孤同舉棧中子

研書

昔排閭身代終虛願歡承積暗傷烏啼青

海月鴟嘯玉門霜含殮將誠信歸差慰北堂

恨別歷年久驚傳遺令悲材無畱爨火路但設瓊扉命薄

恩深重生全沒旅羈獨銜情罔極未効撮弓馳

癸亥

三十七歲

孤嶼

橋痕孤嶼外荷影一灣秋水落青蒲老風高白露遶松篁翻舊

塢簫鼓殷迴舟數筆湖山好蒼茫祇喚愁

張平子思元賦
迺白露之爲霜

同人分詠浙江方物得二十四首

璧月皎寒羹綺座捉頭靴欲笑謝公舟挂席那可拾

海月卽江
瑤柱

白綺柳陰機烟鋪瀑布飛狗蹄方炫耀非是鶴文稀

杭綾

白蠟椎成紙青娥數當錢轆車生計在辛苦手卷然

錫箔

銅朶碎粧新分將屈笑金猷魏方貴纖妙好爾何神

金箔

有價高田玳何工及藝元一牀成土穉便欲動金門

泥孩兒名
湖上土宜

瓦狗已漢俗糖獅猶宋風看成小經紀湖市綠陰中

雜物亦曰
土宜

蔣李導畱都虛名襲伊仰眾知蜀府誰一握出爭長

摺扇

漂絮作純絛奇溫壓荷璫工爲泚泚純吳會至今傳

吳絛

衣裁木上棉連筒抱南布白氈製休夸家家工織素

棉布

嫋嫋泊棉絲摻摻搖素手誰能尺布縫無藉魏塘婦

棉紗線

采采一簪盈刈藍藍謝青村釭勞就染飄蕩出風櫺

龍青

篋縷織斜文溫燉覆紅玉篝火小簾攏香襲芙蓉褥

焙籠

綢直倚青筠何時拗寒玉不稱

去聲

付單抄愁人呼狗曲

曲竹

青螺筐海岸漉水屑芳椒櫻笋南中市聲喧飲耐宵

海蝦

海色綠粼粼水滌供作脯肉食難與謀母爲擢髮數

苦脯

松烟散糲室膊脰聶切之療飢倘乾腊應不思肉糜

蕪蹄

豆筍摘新鮮熏籠宿火傳提瓶分茗會風韻綠珠妍

烘青豆

縮瑟有侍郎花糕亦員外澆店問禾中餽餽或已太

茶食

文林移闥坂圓碧玉盤齊樞得來禽帖風檐烏正啼

花紅

潑潑片立魚冰厨脫匠手爭似鯉無腸畫出張芸叟

半面魚

嫩綠語兒溪犁顯裊露時釘盤過上已瓊液齧如飴

語兒梨

江城剝棗時風搖羊角樹不礙呼朔來只休歌婦去

鹽官棗

笠澤落梅風鱗鱗白蘋漾玉鬣乍分明黏微出新漲

太湖白魚

說易聞埤雅爲羸取銳形涵王參密諦髻脫佛頭青

徑山無尾螺

題畫

短竹疎籬衛草堂下簾霖雨一旬強溪聲靜處琴聲出裹飯何人食子桑

題舍弟脩之所藏唐明皇紀泰山銘摩崖碑

有唐開元乙丑冬帝巡岱嶽登以封明年銘心勒穹石巉巖大筆懸天東當日刑清歲屢豐開元治與貞觀同諛辭乃獻張燕公埤岳紀瑞師高宗后妃奠獻制雖革褒閭先後成女戎石噉事往改天寶集靈臺敞星洞通豈惟本命冊西嶽王號南北嵩當中牒文祈福鮮克終廷除妖集來甫忠延秋門開雲漢紅此時天齊胡不聰銘畱殷鑒翻不朽紙本貴惜如岫嶠高攀石棧

禦風狂何日燎傷椎拓手臣頌撰頌繼輔臣倣古更虛星仰斗
弇州親到嘆摧殘况我論次臨池後弟兮石墨識妍醜示我唐
碑裝潢久我近散卓學八分對此魄力生腕肘一藝成名道何
有廢興憑弔歸談藪金橋三絕空潞河玉冊重埋非社首七十
七君同黯然惡札奚須辨煊煊開天傳信記元宗封泰山迴過
金橋召吳道元韋無忝陳閔同
製金橋圖時謂三絕宋太宗時有得明皇社首玉冊者真宗
時塗於舊所封禪至明皇凡七十七君泰山御製銘之右
有蘇頌頌梁昇卿書明時山東巡撫閩人林煊鑒忠孝廉節四
大字於上頌文毀去者半按王弇州四部稿稱林煊願靈人金
石文字記又稱林煊未知孰
是曝書亭跋但稱俗吏而已

登候潮門城樓

陽侯鼓怒羅刹奔水仙張蓋馳朝嗽朱汜赤岸搖崩淪海色正
射候潮門候潮門鐵幢當日真奇勦大壘小壘幾易轍江神拱
手蛟鼉尊吁嗟江神豈不仁秋來駭水愁吾人懸騰盡失臥漚

利決裂不顧蓬茅寃漫岸一瀉沛莫禦避者厓脫家無存重煩
長吏排戶循豈知噎洩由江神我聞江神任職臣意滌蕪穢成
馨聞君不見今辰登望好風日千帆葉葉開江濱

虎圖

山風驚砂虎人立筆落嘯起轟霹靂巖坳一虎陡欲前斑題出
齧雙眼赤不知兩虎誰雄雌鵠談敢向大麓窺空山人稀獸蜷
踣鋸牙斷斷偃鬼哭却憶昔走山縣間桐城霜草跡大縱橫觸犯
險至今魂夢愁捩眼詫來雙餓彪飽觀坐久更歎絕一縱怯膽
晚興畱雖然愬愬義終吉慎莫高談料虎頭

錢武肅王立像敬身辨是唐昭宗詔王圖形凌烟閣時
所畫

羅平鳥死大木興彭城郡王升錦城金書鐵券拜受詔凌烟傑

閣圖錢生生昔窮乏逐鍾起販鹽作盜何所弛骨法雖令術者
驚鏡光尚秘王侯里一朝運集風雲從化家爲國勢難同改元
稱帝十七入爭取血刃酬心雄大哉保障師尙父厭兵如吳順
如楚添都助國民罔嫌氣象光明動西府牛斗無孛烽無烟功
臣畫徵光化間玉帶腰懸未五十銷洋遺烈八百年鐵幢江干
好古者球圖搜索幾冬夏表忠殘刻摹宋碑奚況龍顏鸞手寫
茅堂擬薦沼沚毛歌鼓更會雞豚社凌烟晚季安足云返正三
相殊紛紛畫像自爲許不臣一閣別創梁無君負乘旌篋迹並
陳千秋不朽兩鎮軍王未遇時稱錢生見五代史及十國春秋
王壽入十一先化中王年四十七八
蘇文忠表忠觀碑原刻近年於杭州府學泮池中得其半五
代史昭宗返正孫德昭與孫承誨董從實皆畫形凌烟閣號三
使相舊唐書韓建傳昭宗還長安自爲建畫像建封許國公
又舊唐書天祐元年中書奏梁王勳庸冠世請凌烟閣之側
別創一閣從之

上湖紀歲詩編

卷一

大

上湖紀歲詩編

唐柳少師硯歌

硯盈尺旁刻公權記三字亦敬身所藏

少師評硯貴墨冷青州絳州迭取材緘滕局鏤敵圖畫詎肯羽
化隨銀栢貴雖非玉賤非鐵紫雲割天猶後來羅紋尚未所龍
尾薛斑亦不搜鳳臺歸然元璞何品第大字手刻公權記泮妃
阿護踰千齡硯壽疇云以歲計君開小堂江上行披榛踏磧逢
陶泓龍潭蟻獵眼見明抱歸磨汁書撥鐙城南匪自雄百城時
遇佳士持平衡鄭公懷抱觀古今矧復鑒別推冬心時於端居室同觀者
鄭筠谷侍講金壽門處士吾欲徒矜絲石燦慚謝劉梅賦唐硯擬攜螺子曰
從遊飽目驚鴻曳霄漢舊唐書柳公權傳所寶惟筆硯圖畫自
墨易冷絳州黑硯次之致虛閣雜俎硯神曰泮妃見瑯嬛記

題崔青蚓三畫扇

世人那得桃源地經六百年世常遊我觀桃源何地無尋林間

津誠區區崔丹手寫摩詰句漁人俗客著無處圖無植杖一翁

知更誰桃源倘是廬山路此源圖上書右丞桃源行

常星西墮佛者生前佛後佛然百燈閻浮二像跡非有豈有圖

畫名可名天龍人鬼國八萬證果同參本來面喫虎咒蟒多沙

門枯如落葉方世尊畫佛及諸天像

白帝二岑高掌懸青壁無路難負緣詫來一夫首蓬葆聳身上

踏蒼浪天好詩豈止駭流輩手挈峰巔嶽靈怪楚辭辭楚不嫌

訛天問問天何用對畫搔首問天意

艤舟釣臺謁嚴先生祠

挂帆晚汭嚴陵瀨輟棹秋橫欹港船萬馬到山潮水盡一竿得

地客星懸遍栽竹柏祠堂古世習漁樵子姓賢嚴氏子孫聚居山後解共

巢高持峭行不妨師禮聘任延後漢書任延傳延拜會稽太守聘請高行如董子儀嚴子陵待

以師友
之禮

嘉興城北吉祥巷觀古松

高揭村縫向晚霞石橋竹柵路迴斜未成綠蔭桑初葉不斷黃
雲榮盡花駐楫岸登居士屨尋松扉叩梵王家孽厓嘆失蒼鱗
侶孤葢冥冥閱歲華松有二今僅存一

泛舟新城鎮晚宿村居

近郊遊未歇驚柁踰新城鄉風盪事動柔桑採微行樹根維訪
舟西日茅檐平門纏紫藤花水鳥時來鳴卽非曠士懷猶足蠲
塵纓瞬盼忽已夕仰待纖月生前林蔽遙滓劣見風燈明坐久
百籟寂悠悠良夜情

雨泊

水行怵焚輪息榜循浦沙迎面機雲峯雨勢來紛奮晚霽風力

柔靄霏時一涯林明結網燈村步入九家溝
勝吐清流瀉注略
竹斜荷衰客何事昏黑聞軋雅檣搖入前汀
前汀方沸蛙

冷泉亭同鄭侍講筠谷先生

肅月尚餘炎結懷向淵澗興言北山遊選勝
招提境石欄水容
秋雲峯嵐氣冷披衣入濃綠鮮飈散曦景
雕甍俯寒泉瑟泊漾
亭影憩榭面列秀談深百慮屏稍聞殷其
雷晦色霽遙嶺林潤
霽益妍翠滴雨逾靚顯翬迹不常景物變
俄頃是匪各就閒行
住趣焉永汨吾耒將投未遂燭同炳歸途
潮迴溪升舟勞引領

舟晚

汀夕雨沈原孤津棹輕舸隔霧見村遙林
飛一星火

溪行

歲晏浮蠶鄉沿岸枯桑繞參錯出村居炊
烟暖林杪空霄遞雲

霞遙障次松篠亭亭風中巢靡靡霜後草人情驚冬田肉袒祇
取擾擁褐何者翁得意觀魚鳥寄言紛綸客余懷謝蓬葆

吳閭

楚水入吳閭浮橋出小航戴圖今北寺張籍舊西塘名勝千年
事孤遊百里裝紅闌交月影只覺柳條長

晉書王導傳敦導及諸名勝皆騎從名勝

猶云名士也後人誤作勝地解

龍蛇門二入金鐵劍三千代遠傳聞異時平景物妍寓公彈鋏
巷遊女採香船烏鵲黃鸝畔繁華絕可憐

虎邱

碧浪迢遙向客流淪漪波小水風柔盈盈脉脉盤閫路絃管東
西自兩坵

白隄楊柳東軒月濃耐清歌記十年今日愁心渺無際夕陽村

落裏寒煙

渡江

晨晴水微風吳榜競鳴鵲烟宿瓜步墟霞帶浮玉樹中流久靜
潺一葦離江簪沃日眺海門羅筌隱漁戶多故乃是豐親寡良
在旅滄波濶悠悠孤帆悵誰與

董子宅

在今兩淮
運司署內

大儒西漢倡遺宅故吳尋冬夏迭行歲春秋宗事心虛將經對
策莫見治張琴出相閒伊呂論材別向歆煖熊羆赤社麟涵樞
黃金歌吹蕪城舊香烟禮殿深閉陰天有雨時方覆幕井无禽
祠有董井公乃歸齋老迎神望竹林景十三王傳江

福祿寺永公影堂

公俗姓於余爲族名成永
字大微曾任西湖聖因寺

昔逢湖上寺不作口頭禪卽此印千佛與之游十年公歸自鹿

園

京師地名

余去向龍眠來作蕪城客新龕禮福緣

甲子 三十八歲

揚州贈別

茱萸灣頭春水平揚州郭裏暮潮生
匆匆分手迢迢路一夜蓮窗滴雨聲

攻石兄示所書碑版墨本數種

百二十體如浮雲七章五變隨風輪
名家魏晉出隸楷俗書姿媚由右軍
唐賢迭起力追古其間魯公尤軼羣
搖毫要得六書義詎惟骨立豐於筋
黜唐尊晉以耳論此論未當吾不云吾兄
吾兄入法神示我碑記脫手新纖微
向背析佞理餘事腴潤含天真
擅椎琰布盛他日況書在紙踰劉珉
巨梁崇構有興廢古來墨寶傳千春
明窗臥遊一開篋孰謂魯公無替人

三言題漂母祠

亭長妻食不具布衣怒竟絕去漢王后謀欲殺將軍悔迺族滅
吁嗟乎漂母哀王孫喜賜千金報知己淮陰侯眞國士胡死生
兒女子

抱病京邸

下簾無地挹清芬隨意翻書眼欲熏那得韓門授眞訣平生不
信逐店文

世傳孫可之集惟唐文粹錄者爲可信餘多僞撰如逐店鬼文一篇亦是也余著有孫文志疑一書

眠牀塵積意蕭然不分主客夜忽窈一一崔聲君最惜尋常舊

物是青氈

時方被竊

申問煩停長者車牽情更在故人書朱雲醫藥顏含筮久矣胸

無蔽可祛

露車堪宿豈安棲假賃城南又巷西賴是是心亭主似因緣不

上湖紀歲詩編

卷一

三

卷一

爲客塵迷

移居鐵門亭
主見首楞嚴經

爲陳力夫題疑夢圖

君不見元子癡論鞭邵奴王生夢賦析魅虛假寐覺悟情罔渝
乃悉俳說傳於書古來占夢信太卜考室考牧詩詞諛熊羆曷
與虺蛇俱龍烝妖女謠麋弧牧人取魚兼旄旗連烽燄駭驪山
誅當時占者豈及此得喪了了纔須臾又不見鄭人獲鹿蕉覆
之疑夢非夢人謂愚夢果有徵可聘獻彼至人者何憂愉夢長
於夜短於夜誰解此際論鎡銖陳君自作疑夢圖胸中磊塊解
嘲嘲披圖我爲一嘆吁春音鼓響具聞性達多狂走遺神珠君
取其一於六如奚不并茲浮想除醒無所有夢非無平等法會
參文殊

恭和

御製幸翰林院筵宴分韻聯句畢復得七律四章元韻

一畝宮開鳳沼春

十月二日

東華迎扈列儒珍

鶴由東華門出

章縫名次

夔龍侶

大學士鄂爾泰張廷玉兩掌院是日進署

酒醴榮分鼎鼐臣

與宴自大學士至庶吉士一百

六十
五人

聖藻近承斑管落禁樞高映玳梁新

御書舊古論思集賢清秘二區額一懸後堂一懸齋

宿

處身籤況集圖書富芸署橫經日幾巡

賜古今圖書集成一部凡五千二百卷

景福殿賦曰爰有禁樞勒分翼張李善引說文曰樞署也扁從戶冊者署門戶也扁與樞同音必縣切

爵奉元臣導孔鸞

鄂爾泰爲進爵大臣

禮行詢仰百裁冠韻分玉趾金宣

內

以張說東壁圖書府一詩分韻上得東音二字諸臣得所餘字

詩作珠聯璧合看一字龍

均賸競襃

分韻者三十八人聯句則百六十五人均與焉臣師韓分得殿字句云八伯咸進拜手嚴

四筵席

布錦成團餘馨獻道重承

敕仙館蓬池未竭瀾

諸臣宴撤並許携歸

慶平樂奏散官聯

宴畢樂奏慶平頃刻成章示

府篇覆載元音艱郢和登封高議薄唐賢

御製詩云心喜百寮知我意不將高議訓

升中蓋以唐張說倡封禪議同時和詩有將陪玉檢泥及高議待升中等句也

龍涎赤字千鈞筆即以朱筆

稿賜羣臣觀覽鰲背黃封五色烟

資諸臣書幣茶人盡匣雲擎露去珍

林安美閨風僊

既醉詩歌德有融對揚何以副

淵衷脩書拜使儀難並禁署親題典更崇傳世瑤珉碑拓在

詩諸

並命遇時燕雀厦成同嘉名清秘文堂錫奉職先銘夙夜中

瀛洲

勒石亭北齋宿處詔改名清秘堂

次日偕翰林諸臣進詩四首

鼎新詞苑歲初冬日暖花磚擁六龍

帝眷特膺黃閣老

天章頻賞紫泥封府通壁宿鉤陳入洞引瑯嬛秘籍供正遇中

元當律首

御製柏梁體詩曰重開甲子文治昌

丕承寵命到鼇峯

宋兩朝天文志勾陳六星入壁

宿五度服虔甘泉賦注云鉤陳主天子護軍

初迎雲罕暑深嚴展禮文宣肅拜瞻

院有先師堂上親詣行禮

風勵百寮先

聖敬榮施三接逮郎潛水銜前後趨瑤席綵幄東西對繡簷

東

各設綵棚

通籍承明圖計及靜閒芸館具堂廉

寶座高臨敬一亭駕聯宴賞侍槐廳獻酬禮洽筵層列醉飽

恩濃駕久停隄潯玉沙移鳳扇橋通金水照鸞鈴不虛門有登

瀛號是處爐烟襲畫屏

掌故休誇視草臺禁窗引燭漫相推幾曾劉井柯亭畔並有堯

尊舜樂來

樂部於筵宴處備設中和韶樂中和清樂丹陛大樂

拜手忝隨香案吏揮毫勉

効柏梁才願將夏屋幃幃意錫福衡茅遍九垓

恭和

御製翰林院宴畢幸貢院得詩四章元韻

星陳東壁慶逢辰除道賢闕過北闌總厘文思神鼓舞仰蒙

天語恤艱辛棘圍樺燭三條地簾隔銀袍兩試人嗣是龍門經

禹導真看桃浪尾燒春

百年養士貯公台科目諸家迭選才試偶荷肩提席耳禮圖解

髮袒衣哉鳳銜瑞錦蟠梯上

上聲

鵬徙培風列仗開賜旁求俊父

云立政在英才慎乃攸司知人則哲與賢共天位勗哉多士觀國之光

不待五雲占日下

天行親爲獵賢來

唐宣宗崇宗科名記鄭顥令趙璘採訪諸家利目記撰成十三卷上進自後逐年編次見裴

庭裕東觀奏記明代相沿康熙間嘗再停再復見池北偶談荷肩提席見唐詩元興論貢士書解髮袒衣見金史選舉志

平地烟霄志共搏崢嶸氣象筆能干市無貴穀居原易駕就輕

車路不難清得乾坤非貌襲冥搜經緯在心官琅書家有琉璃

軸敢靳焚膏待漏殘

諸生並賜書籍

自稱新士起幽沈文史從無口絕吟南院署名題墨淡西清侍
直染翰深奇逢飮宴羅書府盛極

宸遊遍學林曾是戰酣同萬蟻水淵肯負一生心

清秘堂雪後

沙隄雪後素塵凝清秘堂東曉日升林麓望成千片玉軒窓坐
對一條冰閒如閉戶高眠士聚作圍爐說食僧更凭石欄臨井
搔楊花鋪硯寫溪藤

宗門武庫圓通秀禪師云雪下有三等僧下等圍爐說食

上湖紀歲詩編卷第一